



تاک 3

آزات

Knowledge Struggle Victory



بلوچ اسٹوڈنٹس آرگنائزیشن آزاد

آزات

سگار پبلی کیشنز

3	:	تاک
سیاسی گلء لیکہ	:	سرہال
اگست 2022	:	چاپ
media@bso-azad.com	:	گپال
www.bsoazad.site	:	تند جاہ
عطا شاد ڈگری کالج تربت	:	ڈس

سیاسی گل ۽ لیکه

(Theory of Political Organization)

پڻار

سیاسی گل (Political Organization) ۽ بُنکی لیکه (Theory) چو اے
 وڙ ۽ انت: یک هاسیں لوٹ ۽ گزر (Aims and Objective)، دستور ۽
 جوڙشت (Structure) بنیات ۽ مردمانی یکجاہ ۽ منظم بوگ ۽ "گل" گش انت
 یادومی مانا ۽ یک هاسیں جاوے ۽ تہ ۽، لہتیں ہم هیالیں مردم پہ یک هاسیں
 مکدے ۽ یکجاہ بنت، هما مکدے ۽ سرجم کنگ ۽ هاتر ۽ وت ۽ منظم کن انت ۽ یک
 دستور، ڈسپلن ۽ جوڙشتے جوڙ کن انت۔

گل ۽ بُنکی سنا (پگر) پہ یک هاسیں مکدے ۽ هاتر ۽ یکجاہ بوگ انت۔ چه مرچی ۽
 سداں سال پیش همے وڙ بوتگ۔ چوشکھ کشت ۽ کشار (Agriculture) ۽
 زمانگ ۽ پیش دنیا ۽ جتا جتا کیں میتگ ۽ دمگانی تہ ۽ مردم پہ وتی زندگوازینگ ۽ مکدے

بنیات ۽ یکجاہ بوتگ آنت، آئی ۽ تہ ۽ لاپ ۽ شوہاز، وت ۽ چہ دومی دگ ۽ مردمانی زور اکیاں پہریزگ، وتی مچ کتگیں ورگ ۽ وردنانی پہریزگ ۽ دگہ کسان یا مزینیں همے ڈولیں زند گوازینگ ۽ بنکی شتے هوار بوتگ آنت۔ آھانی گور ۽ پھ اے کارانی رد ۽ بند ۽ ہاتر ۽ یک کسانیں ڈسپلن ۽ جوڑ شتے (structure) هم بوتگ، پھ درور کجام وھد ۽ پاس ۽ کجام مردم شکار ۽ روانت ۽ کجام مردم میتگ ۽ هیال داری ۽ کن آنت، شکار کتگیں ورگ ۽ وردناں چاگرد ۽ یک حساب ۽ بہر ۽ بانگ کنگ ۽ ایشاں هوار آھانی جوڑ شت ۽ پھ وت ۽ یک راھشونے کچین کنگ ۽ آئی ۽ پابند بوگ ۽ راھبندے اوں هوار بوتگ۔

کشت ۽ کشار (Agriculture) ۽ زمانگ ۽ هم "گل" ۽ بنکی مول ۽ مراد همے بوتگ، بلئے چاگردی ارتقاء همبرائی ۽ "گل" ۽ رنگ ۽ دروشم ۽ تہ ۽ هم مٹ ۽ بدلی اتنگ۔ پیسر ۽ مردم پھ لاپ ۽ شوہاز ۽ شکار ۽ شتگ آنت، آھانی گور ۽ ملکیت ۽ سسنا نہ بوتگ ۽ آچاگردانی تہ ۽ تبک (Class) نہ بوتگ۔ بلئے کشت ۽ کشار ۽ زمانگ ۽ مردمانی گور ۽ زمین بوتگ، ملکیت ۽ سسنا اتنگ ۽ چاگرد جتائیں تہ بانی تہ ۽ بہر بوتگ، پھیشکھ اے زمانگ ۽ گلانی شکل چہ گوھگیں زمانگ ۽ گلّاں جتا بوتگ۔ بلئے ادء اے ہبریات دارگ بہ بیت کہ آزمانگ ۽ گلانی دروشم چہ مروچگیں زمانگ ۽ نوکیں گلانی دروشم ۽ سرجم جتا بوتگ، آگلانی بنداتی دروشم بوتگ، ۽ گوں سماجی ارتقاء ۽ مرچی مئے گور ۽ "گل" ۽ یک نوکیں دروشم ۽ ساڑی آنت۔

گل ۽ ارتقاء تہ ۽ مزین دیمروی یا آئی ۽ نوکیں دروشم صنعتکاری ۽ آشوب (Industrial Revolution) ۽ پد دیم ۽ کیت۔ 18 می کرن ۽ وھدے یورپ ۽ صنعتکاری یا مشین ۽ زمانگ سک باز دیمروی کنت ، ھمے زمانگ ۽ "صنعتکاری آشوب" گش آنت ۽ صنعتکاری ۽ آشوب گوں زرداری راھبند (Capitalism) ۽ ھم سک باز دیمروی کنت۔ گوں زرداری راھبند ۽ دیمروی ۽ چاگرد ۽ تہ ۽ بازیں جیڑہ ھم پیدا ک بنت۔ یک تبکے ۽ چہ دومی تباں گیشا گیشن ملکیت ۽ واھند بوگ ، مزدورانی سر ۽ زلم زوراک کنگ ، مردمی کارانی بدل ۽ مشین ۽ دیم ۽ آرگ ۽ مردمانی بیروزگاری ۽ جیڑہ ۽ دگہ بازیں ھمے ڈولیں جیڑہ سرچست کن آنت۔ ھمے جیڑہانی بنیات ۽ مزدور تبک ۽ مردم پہ وتی ھکائی گرگ ۽ ھاتر ۽ یکجاہ بنت ۽ "گل" جوڑ کن آنت۔ صنعتکاری ۽ آشوب ۽ پد یورپ ۽ تہ ۽ مزدور اں ابید چاگرد ۽ آدگہ تبک ھم پہ وت ۽ کسان کسانیں گل جوڑ کن آنت۔ ھمے وڑ صنعتکاری ۽ آشوب ۽ پد یا 19 می کرن ۽ یورپی کالونیل ازم ۽ ھلاپ ۽ ایشیا، اریک ۽ امریکہ ۽ بازیں دمگاں جتاہیں دروشماں گل جوڑ بنت کہ آھانی مکسد چہ وتی زمین ۽ کالونیل ازم ۽ ھلاس کنگ بیت۔ گل ۽ دپتر ۽ پزار زشت تریں زمانگ ۱۹ می ۽ ۲۰ می کرن بیت کہ اے زمانگ ۽ گلانی یک سکیں مہکیں دروشمے دیم ۽ کیت۔ اے زمانگ ۽ گلانی مہکم بوگ ۽ دیم ۽ آھگ ۽

یک سو بے جتائیں لیکھانی (Ideologies) دیمء آہگ بیت، پہ درور مار کسزم، لبرل ازم، نیشنل ازم، انارک ازم ء دگہ بازیں لیکہ هوار انت۔

مردمی چاگردء بنداتی زمانگ ء بگر تا مرو چگیں نوکیں زمانگ ء یک گپے تچک انت کہ مردمء وتی چاگردی جیڑھانی هلاس کنگ، چاگردء ر کینگ، چاگردی دیمروی ء پائیدگانی هاترء اے مار اتگ کہ مردمانی یکجہ بوگ المی انت۔ همے بنیات ء "گل ء سسا" (سسا مانا پگر ء هیال) دیمء اتگ۔ اے هزاراں سالانی نیام ء هرچ زمانگ ء مردم ء جتائیں کسان یا مزنین دروشم ء یک مکدے بنیات ء یکجہ بوگ ء چہ گل ء جوڑ کنگ ء اے گپ پدڑ بیت کہ "گل" انسانی چاگردء راستی انت۔ مردم تا هما وهدهء هچ کت نہ کن انت کہ آیکجہ مه بنت۔ اے گل ء بُنکی سسانت کہ چہ مرچی ء دو ہزار سال پیش هم همے وڑ بوتگ۔

"اے کتابک (Booklet) ء سرہال "سیاسی گل ء لیکہ" ء تہ ء سیاسی گلانی ہنتیں بُنکی شئے آنی سرء گپ ء تران کنگ بیت۔"

1. گل ء مکد (Organization & Aims)

دنیا ء هرچ وڑیں گل، سیاسی چاگردی، روزگی (economic)، جنگی یادگہ چونیں اول گلے بہ بیت آیک بُنکی مکدے ء بنیات ء جوڑ بیت۔ بزائکہ ابیدء مکدء گل جوڑ نہ بنت ء هرچ وڑیں گل ء تہ ء چہ درستاں پُر ارزشتداریں شئے

آئی ء ملسد انت۔ سیاسی گپ ء ثرانانی تہ ء یک جسٹے مدام دیم ء کیت انت کہ گل ء ملسد ء نیام ء گیشتر ارزشت کجام شے ء آست انت؟ چوشکہ ماگند ایں ابیدے ملسد ء گل جوڑ بوت نہ کن انت، ملسد ء بنیات ء گل جوڑ بنت بلے اے گپ ہم بیات کنگ بہ بیت کہ ابیدے گل ء ملسد وت هچ کت نہ کن انت، بزاندہ گل ء ملسد گوں یکے دومی ء سہا ء جان ء بستار ء دار انت۔ چے ء کہ ملسد مہ بیت گڑا گل جوڑ بوت نہ کنت ء اگاں گل مہ بیت گڑا ملسد اوں بے مانا انت۔

چاگرد ء جنائیں پڑانی تہ ء جوڑ بوتگیں سیاسی گلاں چہ زور مند تریں (طاقور) گل آشوبی گل زانگ بنت۔ آشوبی گلانی زور مند بوگ ء مسترے سوب آہانی کسد انت۔ آہانی ملسد ہمیںکس زور مند بیت کہ آچاگرد ء چہ ایدگہ درستیں گلاں گیشن مردمانی دلگوش ء وتی نیمگ ء کار انت، پمیشکہ گندگ بیت کہ آشوبی گلانی تہ ء مردم رزاکاری ء بنیات ء بہر زور انت ء پھ آئی ء ملسد ء ہاتر ء وتی سہا ء جانانی کربان کنگ ء ہم چک ء پد نہ بنت، چہ اد ء زانگ بیت کہ ملسد چینکس زور مندیں شے یے۔ دنیا ء آشوبی گلانی بے سوب ء ہلاس نہ بوگ ء مسترے سوب آہانی ملسد انت۔

ماد ء گل ء ملسد ء زور مند بوگ ء دو درور ایر کن ایں: یکے ایش کہ دومی جہانی جنگ ء پد امریکہ سرجمیں دنیا ء گیشتریں نیم بہر ء سیاہ ء اسپیت ء مالک بیت ء ویتنام ء جنگ ء دور کنت۔ امریکہ ہما زمانگ ء ویتنام جنگ ء تہ ء مسترے جنگی

بجٹ ۽ ھرچ کنت، ھماز مانگ ۽ نامد اریں جنگی بالی گراب ۽ ویتنام ۽ کارمرز کنت ۽ ویتنامی گش آنت اود ۽ امریکہ ۽ زہرمانیں سلاہ (Chemical weapons) ھم کارمرز کنگ بلئے اے زور مندیں امریکہ گوں وتی گنجیں تاکت ۽ ھوار "کیونسٹ پارٹی آف ویتنام" ۽ دیم ۽ پرورش وارت۔ ھمے ڈول ۽ نائن الیون ۽ پد امریکہ گوں ۴۰ ملک ۽ افغانستان ۽ سر ۽ اُرش کنت۔ اے جنگ تادہ ۽ بیست سالان جُزایت، جہانی جنگ ۽ پد دنیا ۽ مستریں جنگ زانگ بیت، اے جنگ ۽ چہ دنیا ۽ درستیں جنگاں گیشن زر ھرچ کنگ بیت، بلئے گُرش ۽ امریکہ گوں نیڈ ۽ ۴۰ ملک ۽ ھوار "تحریک طالبان افغانستان" ۽ دیم ۽ بے سوب بیت ۽ چہ افغانستان ۽ درکپ ایت۔ یورپ ۽ امریکہ "کیونسٹ پارٹی آف ویتنام" ۽ سوویت یونین ۽ پروکسی بہ گش آنت یا کہ "تحریک طالبان افغانستان" ۽ ناشرکار (دھشتگرد) ۽ نام بہ دینت بلئے اے گپ گوں ھزار اھتلاپ ۽ پد ھم تچچ انت کہ اے دوایں مہکمیں گل بوتگ آنت ۽ ایشانی گور ۽ یک مہکمیں مکسدے بوتگ ۽ ایشاں وتی گل ۽ مہکمیں مکسد ۽ بنیات ۽ دنیا ۽ مستریں زور مندیں ملک گوں وتی نزوریں بالادال پرورش داتگ آنت۔ تحریک طالبان افغانستان ۽ کیونسٹ پارٹی آف ویتنام ۽ سوبمندی ۽ جنگی سوب آھانی مکسد بوتگ، آھانی مکسد ھمینکس مہکم بوتگ کہ اود ۽ ھزاراں مردم وت رزاکاری ۽ بنیات ۽ وتی ساہ ۽ جان ۽ دیگ ۽ جاڑیگ (تیار) بوتگ آنت ۽ مکسد ۽ ھاتر ۽ اے گلانی ھزاراں

مردماں وقتی لوگ، جاہ، کہول، وشہالیں زندء ہوار ہرچ شئے کربان کنگ، ہمے
وڑ مہکمیں مکسدء ہوار ایشانی گورء مہکمیں گل ہم بوتگ۔

دنیاء تہء ہمے رنگء کہ آشوبی گلانی مہکمی، سو بمندیء تاکتء چیدگ آہانی مکسد
انت، ہمے وڑ آہانی نزورء ہلاس بوگء سوب ہم آہانی مکسد انت۔ کجام ہم
گل وھدے وتی مکسدء سرء اوشات مہ کنت یا وتی مکسدء سرء مہکمیں بیسہ بیے مہ
دارایت یا وتی مکسدء سرء ششء پنچء آماج بہ بیت، آگل وتء رکت کت نہ
کنت۔ ء گل وتی مکسدء سرء ہا وھدء اوشات نہ کن انت، وھدے مکسدء سر
ء آہانی وانگ (education) اوشتء آماج بیت یا گل دژمن ء پروپیگنڈاء
آماج بہ بیت۔ گل ء ہیلکاری ہرچ وھد دو ڈولیں جاورانی تہء اوشتء آماج
بیت، گل ء لیڈرشپ وش پیمبی یا کہ ترسء آماج بہ بیت، اے دواں جاورانی تہء
لیڈرشپ ء دلگوش چہ گل ء ہیلکاری ء دور کیت، وھدے کہ گل ء ہیلکاری
ء وانگ ء زانگ ء عمل اوشتء آماج بوت گڑا اودء بے سرء پادیں گپ ء تران
سر چست کن انت۔ بے سرء پادیں گپ ء تران گل ء تہء
گڑو منجی (Confusion)، دلپروشی ء و تسرین جیڑہ پیدا کن انت کہ چہ
ایشاں گل ء مکسد نزور بیت۔ ہمے ڈول ء دژمن ء اولی سلاہ "پروپیگنڈا" انت۔
وھدے کہ یک گلے ء وتی مکسدء سرء ہیلکاری نزور بوت گڑا آزوت دژمن ء
پروپیگنڈاء آماج بیت۔ چوشیں جاوراں گل وتء داشت کت نہ کن انت۔

گل ۽ بنیات آئی ۽ مکسد انت۔ ھمے ھاتر ۽ ھاس آشوبی گلاں ھمے لوٹ ایت کہ آ
بندات ۽ وتی مکسد ۽ سر ۽ یک تجک ۽ کیشننگیں لبز انکے دیم ۽ بیار انت۔ گوں مکسد ۽
پیٹاری (لفاظی) بوت نہ کنت، اگاں گوں مکسد ۽ پیٹاری کنگ بہ بیت ۽ مکسد ۽ سر ۽
باسکانی لپیھی ھیکاری (نظریاتی تربیت) کنگ مہ بیت گڑا آگل پشت نہ کپ
انت۔ یک گلے ۽ تہ ۽ ھرچ شے ۽ سر ۽ گپ بوت کنت بلئے آئی ۽ مکسد ۽ سر ۽ گپ
بوت نہ کنت۔ پہ درور گل ۽ لیڈر شپ مٹ بوت کن انت، جوڑشت
(Structure) ۽ تہ مٹی ۽ بدلی اتک کنت، پالیسی ۽ ترز کار بدل بوت کن انت
بلئے مکسد ۽ تہ ۽ مٹی ۽ بدلی اتک نہ کنت۔ کجام اول وھدے ۽ گل ۽ مکسد ۽ تہ ۽ مٹی ۽
بدلی ۽ گپ بندات بوت بز انکے آگل ۽ زوال ۽ نیمگ ۽ وتی سپر بندات کنگ۔
گل وتی جوڑشت، ڈسپلن ۽ پالیسی ۽ سوب ۽ باز وھد نزور بنت، انچو نزور بنت کہ
ھلاسی ۽ جاہ ۽ سر بنت بلئے اے نزوری انچیں نزوری انت کہ ھلاس بوت کن
انت ۽ گل دوبر وتی پادانی سر ۽ اوشتات کت کن انت، بلئے مکسد ۽ نزور بوگ یا
مکسد ۽ مہکم نہ بوگ یک انچیں جیڑ ہے کہ آگل ۽ چہ آئی ۽ ھنڈال ۽ گوج ایت۔
ھمے ھاتر ۽ پہ آشوبی گلے ۽ باسکاں الم انت کہ وھد پہ وھد وتی مکسد ۽ ھیکاری ۽ سر ۽
چار ۽ بیچار بہ کن انت کہ اے ھیکاری ھچ وڑ ۽ نزور مہ بیت۔ پہ آشوبی گلاں بکنی
۽ اولی لوٹ آھانی مکسد انت۔

2. گل ۽ لیکہ (Organization & Ideology)

لیکہ (Ideology) سیاسی ۽ چاگردی شہزانتی (Philosophy) ۽ یک سورتے کہ آئی ۽ تہ ۽ پگر ۽ عمل یک پیم ۽ مدامی انت!

لیکہ ہرچ یک گل ۽ پگری ۽ عملی کشکاں گیشین ایت، پگری بنیات ۽ مکسد، گوستانک ۽ اگدار (value) ۽ ہوار در ستیں تک ۽ پھناتانی در شان کنگ ۽ پد عملی سورت ۽ مکسد ۽ سربوگ ۽ کشکاں گیشین ایت۔ دنیا ۽ ہرچ گل یا کہ بجز ۽ پچار چرائی ۽ لیکہ ۽ بنیات ۽ کنگ بیت۔ یہ درور دنیا ۽ تہ ۽ ہرچ مارکسٹ یا سوشلسٹ گل یا کہ بجز است انت، آہانی پچار مارکزم ۽ لیکہ ۽ بنیات ۽ کنگ بیت، ہمے وڑ ہرچی کہ لبرل گل است انت آہانی پچار چہ لبرل ازم ۽ بنیات ۽ کنگ بیت ۽ ہرچ راجدوستیں گل است انت آہانی پچار راجدوستی (Nationalism) ۽ بنیات ۽ کنگ بیت۔

یک سیاسی گل ۽ لیکہ (Ideology) تچک ۽ گیشینگ بہ بیت ۽ آئی ۽ تہ ۽ ہچ وڑیں گرو منجی (Confusion) مہ بیت۔ یہ درور: یک راجدوستیں (Nationalist) گل ۽ لیکہ راجدوستی انت۔ نوں آئی ۽ اے گیشینگ لوٹ ایت کہ مئے راجدوستی چہ انت، آئی ۽ اگدار ۽ گوستانک ۽ لوٹ چہ انت؟ ایٹاں ہوار کالونائزیشن ۽ آئی ۽ جیڑہ، مرچی کیں راجدوستی ۽ جہد ۽ باندات ۽

آزاتیں چاگردے سرجمیں تک ء پھنات دلجمی ء گیشینگ لوٹ اُنت۔ اگاں یک گلے وتی لیکہ ء گیشینگ مہ کنت آگل باز نوزریں گلے زانگ بیت ء آپہ یک منز لے ء سر بوت نہ کنت۔ گل ء تہ ء لیکہ (Ideological) گرو منجی ہما وھدے پیداک بیت کہ اودے آئی ء لیکہ ء گیشینگ ء جاہ ء تہنڈی پتاری کنگ بہ بیت یا چوش گشت کن ءے کہ لیکہ ء جند مہ گیشن ایت، ہرچ مردے آئی ء وتی ڈول ء درشان بہ کنت۔ لیکہ ء نہ گیشینگ ملسد ء جند ء نوزر کنت۔ اے گپ تچچ انت وھدے کہ ملسد نوزر بہ بیت گرانہ گل پشت کپ ایت ء نیکہ جُز۔ سیاست ء تہ ء چہ لیکہ ء چپ روگ ہم یک جیڑھے ء ہمے سوب ء بازیں گل، جُز یا کہ استان (Sate) پُرشنگ ء ہلاس بوتگ اُنت۔ پہ درور سوویت یونین ء پُرشنگ ء چہ بازیں سوباں یک ہیالے ہمیش زانگ بیت کہ سوویت یونین ء تہ ء کروشیف ء بگرتا گور بہ چوپ لینن ء گیشینگیں لیکہ ء چپ ء شنگ اُنت ء ہمے سوب ء سوویت یونین پر شنگ۔

سیاست ء تہ ء چچ لیکہ (Ideology) شریا ہراب نہ بیت، بگندے ہرچ لیکہ ء وتی زمینی راستی بنت۔ ہرچ لیکہ وت ء وتی جند ء راستی ء بنیات ء گیشینگ ایت، آ راستی پہ یک نیمگے ء واستہ شر گرا پہ دومی نیمگ ء واستہ ہراب بیت۔ پہ درور پہ لبرل ء لبرل ازم دنیا ء شرتریں سیاسی پگر (philosophy) انت ء مارکسزم آمریت (Dictatorship)، مردم کش ء مردم گری (Humanity) ء

ہلاپء راہبندے زانگ بیت یلئے پہ مارکشاں مارکسزم پہ مردمی زندء آسودگ کنگء چہ دنیاۓ درستیں راہبنداں شرتریں سیاسی راہبندانت۔

پہ یک سیاسی گلےء الم انت کہ آوتی لیکہء بہ گیشن ایت ءمچک بہ کنت۔ گل لیکھی (Ideologically) ہج گرومنجء آماج مہ بیت ءمچ مردمء اے موکل مہ بیت کہ آلیکہء چپء بہ روت یا کہ لیکہء ءوتی جندء واہشت ءردء درشان بہ کنت۔ ہرج گلےء ءوتی لیکہء ءسرء مہمیں بیسہ یے بہ بیت ء آہا لیکہء ءسرء پیادء بوشت انت۔ ءہرج وهد ءہرج وڑیں جاوراں گل لیکہء بہ رکن انت، چےء کہ گل یاخزء بنیات ہمے لیکہء انت، ءاگاں یک گلےء بنہشت نزور بہ بیت گڑاپہ آئی ءمچ شئے نہ مان ایت۔

3. گل ءڈسپلن (Organization & Discipline)

ہرج ڈولیں گلے بہ بیت چہ کسد ءپد آئی ءدومی پُر ارزشتیں شئے آئی ءڈسپلن انت۔ ہرج گل ءگورء یک مچک ء گیشننگیں ڈسپلنے بیت۔ ابیدے ڈسپلن ءمچ گلے وت ءمہم داشت کت نہ کنت۔ پہ آشوبی گلے ءڈسپلن دو ہمینکس گیشن ارزشت اے ہاترء دارایت کہ آہانی کسد سک پراہ ءشاہگان بیت، دومی آہانی دژمن چرایاں گیشن زور مند (تاقور) بیت۔

آشوبی گلانی تہ ڈسپلن باز پر راہ شاہگان ہم بیت۔ اے تہنیک ہا میں جاہے
 ء سرء عمل نہ کنت، بگندے پہ پر پیکٹس ء تھیوری ہر دوا میں جاہاں کار مرز بیت
 ۔ ہچ گلے ء تہ ڈسپلن لگ دارگ (محدود کنگ) مہ بیت۔ اگاں یک گلے ء تہ
 آئی ء باسکانی مز میں کچے وتی گل ء دا تگیں مرا گش ء سرء عمل کت مہ کنت،
 آگل ء لبز انک نزور بہ بیت، گل چہ لیکہ ء چپ بہ روت، گل ء جوڑشت لگتہماں
 کنگ بہ بیت یاد کہ چونیں اوں لیکھی یا عملی جیڑہے بہ بیت، اے دراہیں تک ء
 پہناتاں اود ء گل ء ڈسپلن مچک ء کار مرز کنگ بہ بیت۔

جہل ء ڈسپلن ء چار بنگلی جیڑہانی سرء گپ ء نثران کن میں:

- اولی: ڈسپلن ء تہ ء اولی جیڑہ ہما و ہد ء پیدا ک بیت کہ آنبشتہی سورت ء
 تاکانی تہ ء نمادار بہ بیت بلئے آئی ء سرء سد درسد عمل کنگ مہ بیت
 ۔ اگاں یک گلے نبشتہی شکل ء دنیا ء شر تریں ڈسپلن ء نبشتہ بہ کنت بلئے آ
 نی ء سرء مچک ء عمل کت مہ کنت گڑا ڈسپلن ہچ درد نہ وارت۔ ڈسپلن ء
 سرء یک پیم ء مچک ء عمل نہ بوگ ء، لہتیں درور ماچوش زرت کن میں:
 ڈسپلن پہ مز میں جیڑہانی ہاتر ء کار مرز کنگ بہ بیت بلئے پہ کسانیں جیڑہاں
 کار مرز مہ بیت یا کہ پہ کسانیں جیڑہاں کار مرز کنگ بہ بیت ء پہ مز میں
 جیڑہاں کار مرز مہ بیت۔ ہما ڈول ء کہ ڈسپلن گیشینگ بوگ آئی ء سرء ہما

پیم عمل کنگ مہ بیت، پہ لہتیں جاوراں کارمرز کنگ بہ بیت ء، لہتیں ء مہ بیت۔ گڑاے اڈدا تگیں ڈسپلن گل ء راجھ پیسہ پانیدگ نہ دنت۔

- **دومی:** ڈسپلن پہ ذاتی واہشت ء کچین ء بنیات ء کارمرز کنگ مہ بیت۔ چے ء کہ ڈسپلن کسے واہشت ء کچین ء بنیات ء جوڑ نہ بنت، بگندے گلانی زمینی راستی ء بنیات ء جوڑ بنت۔ اگاں ڈسپلن ذاتی واہشت ء کچین ء بنیات ء کارمرز کنگ بہ بیت، گڑا آگل ء مہکی ء ہلاس کنت ء اودے جیرہ سرچست کن آنت۔ ڈسپلن ء بنیات ء پیداک بوتگیں جیرہ گل ء نزور کن آنت یا آئی ء پُرشٹ ء پُروش ء آماج کن آنت۔ اے گپ الہی انت کہ ڈسپلن کجام راستی (ٹری آراستی چینکس ٹرند بہ بیت یا کہ آئی ء ہاترے چینکس مزنیں پیسلہ زورگ بہ لوٹ ایت) ء بنیات ء جوڑ کنگ بوتگ ہماڈول ء کارمرز کنگ بہ بیت۔

- **سیمی:** ڈسپلن گل ء لیکہ (Ideology) ء سرء کارمرز کنگ بہ بیت۔ لیکہ گل ء مکسد ء گیشین ایت ء آئی ء راہ ء تچک کنت، لیکہ ء مٹی ء بدلی یا جہلی ء بُرزی ء گنجائش نیست انت۔ اگاں لیکہ ء مٹی یا جہلی ء بُرزی ء گنجائش پیداک بوت گڑا بزانکہ ڈسپلن لیکہ ء سرء کارمرز بوگ ء نہ انت۔ پہ درور: لیکہ ء رد ء گل ء رودراتک ء نیمگ ء سپر کنگی انت، بلئے گل روایر کپت ء نیمگ ء روگ ء انت یا ہمے یکیں گل ء نیم جہد کاررودراتک ء

روگ ء آنت ء، لہتیں روایر کپت ء نیمگ سپر کنگ ء آنت۔ اے وڑیں عمل لیکھی (Ideological) نزوری گنگ بنت، ادء الم انت کہ ڈسپلن کار مرز کنگ بہ بیت، ء وھدے کہ گل ء لیکہ (Ideology) ء سرء ڈسپلن کار مرز کنگ بیت گڑا اے زاگی انت کہ گل ء ہرچ شے ء سرء کار مرز بوت کنت۔

● چارمی: ڈسپلن گل ء جوڑشت (Structure) ء سرء کار مرز بیت۔ گل جوڑشت ء بنیات ء جوڑ آنت۔ جوڑشت ء بزانت گل ء کار، آھانی ردء بند، باسکانی زمہ واری ء ایدگہ در اھیں شے آنی گیشن ء گیوار کنگ انت۔ گل ء جوڑشت ء نزور بوگ ء بزانت آئی ء سر جمیں مراکش ء نزور بوگ انت۔ ہے ہاتر ء گل ء جوڑشت ء مہم بوگ بازالمی انت۔ جوڑشت ء تہ ء ڈسپلن نہ بوگ ء، لہتیں درور چو اے وڑ ء آنت: راھشون یا باسک وتی کیشنینگیں زمہ واری ء سرء کار مہ کن آنت، ہرچ مردم دومی مردم ء کار ء تہ ء دزما نجنی بہ کنت، یک مردمے سک باز کار بہ کنت ء دومی سک کم کار بہ کنت، یک باسکے ء زمہ واری مگر ب ء نیمگ ء آنت بلے آکار شگر ب ء کنگ ء انت، یک باسکے ء زمہ واری گل ء جہلی ادارہ ء گوں بندوک بلے زور جنت بُرزی ادارہ ء گوں کار کنگ ء، لیڈر شپ ء کار گوں بُرزی ادارہ ء بندوک آنت بلے آشپ تاروچ جہلی ادارہ ہی کاراں

گوں دزمانجی کن آنت ء دگہ بازیں ہمے وڑیں درور آست آنت۔ اے
وڑیں جاور کجام ہم گل ء تہ بوت آنت، بز انکہ آگل ء جوڑشت سک نزور
آنت ء جوڑشت ء نزور بوگ ء سوب جوڑشت ء تہ ء ڈ سپلن نہ بوگ آنت۔
هرچ گل হাস پہ آشوبی گلاں الم آنت کہ آڈ سپلن ء ہمے بئکی شے آنی سک باز
ھیال بہ دار آنت۔

4. گل، انفرادیت و اجتماعیت (Organization, Individualism & Collectivism)

چوناہاں گل و ت یک مچانکی (اجتماعی) عملے نام انت۔ گل و بنیات آئی و مکسد انت و مکسد مچانکی (اجتماعی) بیت۔ بلے اے در ستیں شے آل ابید ہم یک راستی یے مردم و ابرم انت۔ یک نیمگے مردم و تی تہ و ت ہمینکس کہ مچانکی (اجتماعی) و پابند انت گڑاومی نیمگے و ہمینکس یک نپرے (فرد) ہم آست انت۔ مردم و ہمے ر وشت (رویہ) سیاست و ہوار چا گرد و ہرچ پڑ و تہ و گندگ و کیت۔ ہمے ہاتر و المی انت کہ ایشی و سر و گپ و تران کنگ بہ بیت کہ یک گلے و تہ و اجتماعیت و انفرادیت چے انت، ایشانی لوٹ، تاوان و پائیدگ چے انت؟

سیاست و ہوار چا گرد و ہرچ وڑیں مچانکی (اجتماعی) کارے و تہ و نپرانی (فردانی) یک کردے آست۔ یہ در و ر گل و راہشون یک نپرے بیت یا استان و سروک یک نپرے بیت۔ ہرچ و ہد گندگ بیت گل بہ بیت یا کہ استان آئی و تہ و راہشون و پیسلہ، زات، زانت و زانت، ر وشت و آئی زات و ہرچ کسان و مز نہیں شے باز آسردار انت، اے گل و تہ و نپرے کردانت۔ اے ہم راستے کہ سیاست و تہ و نپرانی نپرے بستار و مز نہیں کردے بیت۔ بلے یک نپرے (فرد) و انفرادیت و تہ و پرک آست انت، چے کہ نپرے مچانکی (اجتماعی) و یک بہرے یا کہ چہ نپرے مچانکی جوڑ بیت بلے انفرادیت اجتماعیت و ضد انت۔

انفرادیت پسندی وتی تہ ءوت یک ناڈراھی یے ہم اُست انت، آئی ءتہ ء مردم
 ء سر جمیں پگر ء عمل تہنا آئی ء چند ء زات ء چپ ء چا گرد ء بنت۔ آسر زاھر ء
 بگندے مچانکی (اجتماعی) عمل ء بہر انت یا پیشدارگ ء انت کہ من مچانکی کارے
 کنگ ء آں بلئے راستی ء آوتی انفرادیت ء سر کل ءتہ ء گردگ ء انت۔ انفرادیت
 دوستیں مردم کدی ہم مچانکی ء پابند بوت نہ کن انت، کجام وھداے مردم
 مچانکی ء پابند کنگ بہ بنت اے بازوت یک ہرا ہیں رد عمل پیش دار انت۔

گل ءتہ انفرادیت پسندی ءتہ، لہتیں، ہنگی جیڑہ چو اے ڈول ءتہ آنت:

4.1 انفرادیت پسندی ادارہ ءتہ جوڑشت (Structure) ءتہ لگتہمال کنت:

چوشمہ گل ہمے جوڑشت ءتہ بنیات ءتہ جوڑ آنت، اگاں چہ گل ءتہ ءتہ آئی ءتہ جوڑشت ءتہ ہلا س بہ کن گڑا گل پشت نہ کپ ایت، ہمے ہاتر ءتہ دنیا ءتہ ءتہ ہرچ گلے اے شئے ءتہ ہیال ءتہ دار ایت کہ اسٹریکچرل ڈسپلن ءتہ مہار چہ در ستاں گیشن مہر کنگ بہ بیت بلئے و ہدے گل ءتہ ءتہ انفرادیت پسندی پیدا ک بوت گڑا آچہ در ستاں پیش گل ءتہ جوڑشت ءتہ لگتہمال کنت۔ گل ءتہ ءتہ کجام ہم مردم آتوری گل ءتہ کجام اول اگدہ ءتہ زمہ واریانی سر ءتہ بہ بیت، اگاں آ مردم وتی ابرم ءتہ ءتہ انفرادیت پسند ایت گڑا آ مردم پہ زانت یا پہ نازانتی گل ءتہ ءتہ ادارہ سازی ءتہ دیم ءتہ اٹاند پیدا ک کنت۔ گل ءتہ انفرادیت پسندیں مردم وتی زات ءتہ ادارہ سر پد بیت، ہمے بنیات آسر جمیں مردماں وتی زات ءتہ پابند سر پد بیت یا پابند کنگ ءتہ واہشت دار ایت۔ گل ءتہ باسکاں مچاکی (اجتماع) یا جوڑشت (structure) ءتہ پابند کنگ ءتہ جاہ ءتہ وتی زات ءتہ پابند کنگ ءتہ ہاتر ءتہ اے مردم پہ زانت یا پہ نازانتی گل ءتہ جہد کاراں سک باز محدود کن آنت، آہانی سر ءتہ وتی پیسلہ ءتہ پہ زور توپ آنت، جہد کارانی دیم ءتہ وتی مز نیں آکسے پیش دار آنت۔ گڑا ہمے عمل چہ یک مردم ءتہ در کپ ایت ءتہ کم ءتہ کم سر جمیں ادارہ ءتہ ءتہ رواج گیت، ءتہ پدا گڑا ہج باسک وت ءتہ گل ءتہ

جوڑ شت (structure) ء پابند سر پد نہ بیت، بگندے وت ء مردمانی پابند سر پد بیت ء آوتی جہل ء ادارہ ء مردماں ہے وڑ وتی زات ء پابند کنگ ء جہد ء کنت۔

4.2 انفرادیت پسندی ادارہ ء پیسلہ سازی تہ ء اثر اند پید اک کنت:

سیاسی عمل ء تہ ء پُر ارز شتد اریں شتے پیسلہ سازی انت ء پیسلہ سازی ء تہ ء پُر ارز شتد اریں شتے مچاکی (اجتماعی) یا اداراتی بنیات ء پیسلہ سازی انت۔ ہے ہاتر ء گش انت کہ ادارہانی پیسلہ گوں آگل ء مچاکی (اجتماعی) بنیات ء بہ بنت۔ بلتے وھدے کہ ادارہ ء تہ ء انفرادیت پسندی ء رَوشت (رویہ) ہست بیت، گڑا ہے رَوشت گل ء آدگہ شتے آں ہوار گل ء پیسلہ سازی ء ہم سامند (متاثر) کنت۔ انفرادیت پسندیں مردم چوناہا وتی زانت ء زانت ء چہ وتی ہمبر اینں در ستیں مردماں بالاتر لیک ایت، آئی ء نزدیک ء آ آگل ء گل انت، ہے بنیات ء آگل ء پیسلہانی اداراتی بنیات ء زورگ ء ہلاپ بیت ء وتی شریا ہراب ء لیکہ ء ادارہ ء سر ء مُش ایت۔ چوشکہ اے رَوشت ء مردمانی سوچ ہے بیت کہ ما وتی زات ء تہ ء وت ادارہ ء بستار دار ایں، ہے بنیات ء آپیلہ سازی ء وھد ہے وڑ پیش دار ایت کہ منی پیسلہ ادارہ ء پیسلہ انت۔ آگاں یک گلے ء برزی جاہ ء ہے رَوشت ہست بہ بیت گڑا اے رَوشت کم کم ء چہ برزی ادارہ ء بگرتا جہلی ادارہ ء سر بیت، پیسلہ سازی ء ہاتر ء ادارہ سر گوز کنگ بنت، مچاکی (اجتماعی) پیسلہ

سازیء عمل اوں سرگوز کنگ بیتء ادارہء پیسلہ سازیء انفرادیت زور بیتء
ہمے وڑء ادارہ زور بنت۔

4.3 انفرادیت پسندی ادارہء دیرومیء دارایت:

ادارہ ہما و ہدء دیرومی کن آنت کہ آہانی ہرچ شے اداراتی بنیاتء بہ بیتء
ہرچ عملء سیادی گوں مچانگی (اجتماعی) آگلء بہمء بہ بیت۔ اگاں گلء تہء
کسانیں کچےء ہم انفرادیت پسندی ساڑی بہ بیت گڑا آگلء دیرومیء کشکاں
دارایت۔ چوشکہ انفرادیت پسندی وتی تہء وت باز تنکس (محدودیں) روتہ،
آوتی رائےء ابید دومیء رائےء گوش نہ دارایت، آئیء تہء نگدء ایراد
(اھتلاپ)ء سگ نہ بیت۔ ہمے بنیاتء اگاں ادارہء دیرومیء ہاترء چینکس
ہم شرء مہکمیں ہیال دیمء آرگ بہ بیت یا چینکس شریں عمل کنگ بہ بیت،
انفرادیت پسندی سوچ ایشال نہ سگ ایشال یکدم رد کنت۔ چہ اے
سوچء ادارہء دیرومی اوشتء آماج بیت۔

گلء تہء اجتماعی یا اداراتی روتہ جوڑ کنگء ہاترء لہتیں بجلی شے بازالمی آنت:

i. گلء تہء اجتماعیت ہماروتہء نام انت کہ نپر (فرد) وتء سرجمء مچانگی
(اجتماع)ء پابند کنت۔ مچانگیء پابند کنگء مراد ایش انت کہ نپرء ہرچ

عمل مچانکی ۽ بنیات ۽ بہ بیت، هج ڀر چوشين عمل مه ڪنت كه آ اجتماعيت ۽ هلاپ به بنت يا اجتماعيت ۽ تاوان به دينت۔

.ii چه درستائ پيش انفراديت پسندی ۽ روشنت (رويہ) گل ۽ برزی ۽ جہلی ادارہانی تہ ۽ نڪ جنگ (نشاندہی ڪنگ) به بيت ۽ اے روشنت گوں ترندی ۽ ایر جنگ به بنت۔ انفراديت پسندی سوچ ۽ نڪ جنگ ۽ ایر جنگ گل ۽ اجتماعيت ۽ نيمگ ۽ اولی گام انت۔

.iii انفراديت پسندی اگاں باز ڪسانين ڪچے ۽ هم ساڙي انت يا آئی سان (اثر) آست انت آهما وهد ۽ يڪدم دارگ به بيت، آئی ۽ انچو وهد ديگ مه بيت كه آردوم به زور ايت ۽ مزن به بيت۔

.iv گل ۽ تہ ۽ گل ۽ جوڙشت (structure) گيسن مهکم ڪنگ به بيت، هج ڀر ۽ اے واک (Authority) ديگ مه بيت كه آگل ۽ جوڙشت ۽ لگتمال به ڪنت، هج ڀر چه گل ۽ جوڙشت ۽ گيسن زور مند مه بيت۔

.v گل ۽ تہ ۽ پيسله هرچ وڙيس جاوړتہ ۽ اداراتی بنيات ۽ به بيت، آجہلی ادارہ بنت يا برزی اود ۽ پيسله سازی سرجم ۽ گوں ترندی ۽ اداراتی بنيات ۽ به بنت۔

5. گل و زمینی راستی (Organization & Ground Realities)

ھرچ چاگر دے ءوتی جتائیں جاور، وئیل ءراستی بنت کہ آھا چاگر دے زمینی راستی کُشک بنت۔ ھے ڈول ء ھرچ گلے ءوتی جاور، وئیل ءراستی بنت۔ سیاست ءتہ ء زمینی راستی ءیک مز نہیں کر دے بیت۔ اے گپ پہ ھرچ گل ءالم انت کہ آئی ءوتی زمینی راستی شر سر پد بوگی انت ء ھمارا راستی مٹگی انت۔ چوشکہ سیاست زمین ء سر ء مہلوک ء نیام ء کنگ بیت ء سیاسی مر آشنانی مچپتا سیادی گوں اُلس ء بیت، ھے ہاتر ء ھچ گل ءراستی چرائی ء چاگر دے اُلس ء ڈن بوت نہ کنت۔

ھرچ گل وتی گل ء مر آگش ء پالیسیاں وتی زمینی راستی ء بنیات ء جوڑ کنت۔ ھچ گل یک ہیالی دنیا یے ءتہ ء نشت ء مر آگش اڈوات نہ کنت، پہ یک گلے ءالم بیت کہ آمر آگش جوڑ کنگ ء پیش وتی گل ء چاگر دے راستیاں سر پد بہ بیت ء آئی ء مر آگش آئی ء زمینی راستی ء بنیات ء بہ بنت۔ زمینی راستی ء بنیات ء اڈوات تگیں مر آشنانی سو بھندی ء گمان گیشن بنت۔ اگاں کجام ھم گلے آوتی گل یا زمینی راستیاں مان میارایت ء بہ نندایت ء چرے راستیاں در مر آگش اڈ بہ دنت گڑا آمر آگش چھبندی (Illusion) یا ہیالی دنیا ء آما چیں مر آگش کُشک بنت کہ گوں راستی ء آھانی ھچ پیہمیں سیادی نہ بیت۔ اے وڑیں مر آگش کہ چہ گل ء

زمینی راستی ءِ ڈن چہندی ءِ ہیالی بنیات ءِ بنت، اے پہ گل ءِ ابید ءِ یک مزنیں
تاوانے ءِ دگہ ہچ پائیدگ نہ دینت۔

پہ گلے ءِ ہاتر ءِ چہ مراکش ءِ اڈدیگ ءِ پیسراے گیانی الم ہیال داری کنگ بہ بیت
کہ آگل ءِ بودناکی ءِ کچ ءِ کساس چینکس انت، گل ءِ جیرہ چے انت، گل ءِ گور ءِ
چینکس گواجن (Resources) آست، آئی ءِ نپری (افرادى) زور ءِ کچ ءِ
کساس، گل ءِ مہلوک ءِ میان ءِ سیادی، مہلوک ءِ مک، مہلوک ءِ تب ءِ جیرہ،
مہلوک ءِ لوٹ اے درستیں شے آئی گوں ہورتی ءِ چار ءِ بیچار کنگ الم انت۔
گل ءِ مراکشانی سوہندی ءِ بے سوہی گوں ہمے شے آں بندوک انت۔

پہ درور: اگاں یک گلے ءِ بودناکی ءِ کچ یا آئی ءِ راستی ایش انت کہ آپہ یک
مچی (جلسہ) یے ءِ ہاتر ءِ کساس دو سد مردم کش ات کنت ءِ آئی ءِ زمینی
راستی ءِ بنیات ءِ آئی ءِ وس ہم ہمیش بہ بیت بلئے آوتی گل ءِ زمینی راستی ءِ سرگوز
بہ کنت ءِ یک ہزار مردمانی مچی یے اڈدیگ ءِ پیسلہ ءِ بہ زورایت، گڑاے پیسلہ
آئی ءِ گل ءِ سر ءِ یک ناوشیں سان (اثر) یے دور دنت، چہ ایشی ءِ لس مہلوک ءِ
گل ءِ نیام ءِ بیسہ نزور بیت، باسکانی ہمت پُرش انت، باسکانی تہ ءِ دلپروشی
پیداک بیت، آدمیم ءِ گل ءِ پیسلہانی سر ءِ بیسہ داشت کت نہ کن انت۔

پہمیشہ اگاں یک گلے نرور انت، آئی بو دنا کی ء کچ ء کساس سک کم انت، گواجن کم انت، آئی ء گوں مہلوک ء شریں نریکی یے نیست انت گڑاچہ درستاں پیش ہما گل ء وتی ہمے راستی منگ لوٹ ایت۔ اگاں گل وتی اے راستی ء مہ منیت گڑا آدمیم ء شت نہ کنت۔ گل ء ہیلیا ء وش پھی ء دنیا ء چہ کشگ ء اولی گام وتی نرور یانی منگ انت ء نرور یانی منگ پہ دیمروی ء آئی ء اولی گام انت۔ اگاں گل ء راستی ہمیشہ انت کہ آجتائیں جیڑہانی سوب ء نرور انت، گل ء برزی ادارہاں وتی باسکانی دیم ء ء وتی دیوانانی تہ ء سرجمیں راستی دیم ء ایر کنگ لوٹ ایت، چرے راستی ء دیم ء ایر کنگ ء گل نرور نہ بیت ء نہ گل ء آرزشت باسکانی دیم ء ہلا س بیت بگندے اے باسکاں گیشتر ہت دنت۔ گل وتی نرور یانی منگ ء راستی ء تچک ء وتی باسکانی دیم ء ایر کنگ ء دیمروی کن انت۔ اگاں راستی منگ مہ بیت، گل ء ادارہ یا باسکانی دیم ء یک ہیلیا دنیا یے پیش کنگ بہ بیت یا باسک وش پھی ء تہ ء سہڑینگ بہ بنت گڑا اے روست (رویہ) ء آسہر ہما گل ء نرور یا ہلا س کنت۔

ھرچ ہماسیاسی گل مہکم بیت ء دیمروی کنت کہ وتی گل ء زمینی راستی ء شہر سرپد بیت، وتی نیری بو دنا کیانی کچ ء زانت، وتی ادارہ ء باسکاں وش پھی ء ہیلیا دنیا تہ

ء ایر نہ کنت بگندے وتی نزوریانی منگ ء جرات دارایت ء سو بمندی ء نیمگ ء
گام جنت۔

6. گل ء جیڑہ (Organization & Problem)

گل ء استان (state) دگہ آزمانی شے نہ آنت، بگندے ہمے زمین ء مردماں جوڑ
کنگ آنت، ہمے ہاتر ء ایشانی رِوشنت (رویہ) سرجم ء مردمی آنت۔ بزانکہ کجام
چاگرد ء مردم کہ گل یا کہ استان جوڑ کن آنت گڑاھا گل یا استان ء رِوشنت ہما
چاگرد ء ڈول ء بنت۔ گل ء شری ء ہرابی، تاوان ء پائیدگ درستانی سیادی گوں
مردم ء ابرم ء آنت۔ کجام گل ء باسک گوں وتی رِوشنت ء سست ء جانبڑ بوت آنت
گڑا آگل ہم سست ء نزوری ء آماج بنت، اگاں ناگل ء باسک کارگشاد ء چوک
بوت آنت گڑاھا گل ہم مہکم بیت۔ ہمے ڈول ء گل ء تہ ء جیڑہ ہم مردمی ابرم ء
بنیات ء پیداک بنت۔ دنیا تہ ء ہرچ وٹس گل یا استان ء تہ ء جیڑہ ء پیداک
بوگ یک ابرمی گپے، چے کہ چاگردانی نیام ء جیڑہ مدام است آنت ء گل ہمے
چاگردانی بہر آنت۔

جیڑہ ء پیداک بوگ ء سوب

چو شکہ برزء نبشتہ آنت کہ گلانی تہ ء جیڑہ ابرمی شے یے، جیڑہ الم پیداک بنت۔
سرجمیں جہان ء مزن مزنیں استان تہی جیڑہانی سوب ء پڑشنگ آنت، سلطنت

نزور بوتگ آنت، دنیاۓ مزن مزنیں نامی نیں آشوبی گل ہم پُرشنگ آنت۔
 آہانی سوبِ مردمی ابرم آنت۔ دنیاۓ چوشیں درور باز آنت کہ مردمی کست ۽
 کینگاں گل یا استان پر و شنگ آنت، مردمی کینگ دنیاۓ مزن مزنیں کُشت
 ۽ کوشانی سوبِ ہم جوڑ بوتگ آنت، مردم ۽ یکے دومی ۽ نزور کنگ یا جہل جنگ ۽
 سوچاں گل اوں پر و شنگ آنت۔

دنیاۓ تہ ۽ پُروجی گل چہ توندیں ڈسپلن ۽ سوبِ ۽ زانگ بنت پلئے آہم مردمی ابرم
 ۽ نزور یا پُرشنگ ۽ پر و ش ۽ آماج کنگ آنت۔ بے سگی، دو تل ۽ دو پوستی، ہر س،
 کست ۽ کینگ، نامدار بوگ ۽ واہشت ۽ دگہ بازیں ہمے وڑیں مردمی رَوشت
 آست آنت کہ گلانی تہ ۽ جیڑہ پیدا ک کنگ ۽ سوبِ آنت۔

گلانی تہ ۽ جیڑہ ۽ پیدا ک بوگ چوشیں ہبکہ ۽ ہیرانی ۽ گپے نہ آنت، اگاں تو
 سداں سالانی گل ۽ دپتر ۽ وان ۽ ترا اے گپ ساپ گندگ ۽ کیت کہ چہ شر ۽
 شر تریں گل تہ ۽ تو کی جیڑہانی سوبِ ۽ پُرشنگ آنت یا نزور بوتگ آنت ۽ اے گپ
 ہم تچک آنت کہ گلانی تہ ۽ جیڑہ ۽ پیدا ک بوگ دائمی شے پے۔ دنیاۓ ہرچ گل یا
 استانے چینکس کہ زور مند ۽ ہم بہ بیت پلئے الم وڑے ناوڑے ۽ کسان یا مزنیں
 کچے ۽ آتہی جیڑہانی آماج آست آنت ۽ دیم ۽ ہم بنت۔

جیڑہ ۽ گیشینگ

- i. گل ۽ تہ ۽ جیڑہ پہ زانت پیداک کنگ بہ بیت یا پہ نہ زانتی ۽ پیداک بہ بنت ، دوئیں جاوہر می شے آنت ۽ جیڑہ ۽ ہستی منگ لوٹ ایت ۽ ہرچ وڑیں جیڑہ ۽ دیم ۽ اوشتنگ لوٹ ایت۔
- ii. گل ۽ تہ ۽ کسان ۽ چہ کسانیں جیڑہ کجام اوں سو ب ۽ پیداک بنت آسرگوز کنگ مہ بنت ، کجام اوں جاھے ۽ چینکس کسانیں جیڑہ ہے اوں وجود دارایت ، اود ۽ گل ۽ باسکاں اے منگ لوٹ ایت کہ جیڑہ ہست ایت ، اگاں اے بنیات ۽ جیڑہ سرگوز کنگ بہ بنت کہ کسان آنت گڑا اے گپ تچک ایت کہ ہمے کسانیں جیڑہ باندازن بنت ۽ پہ گل ۽ مستریں تاوان بنت۔
- iii. گوں جیڑہاں گیشی کنگ ہم مہ بیت ، بز انکہ چہ وتی نیمگ ۽ جیڑہ کسان یا مزن پیش دارگ مہ بنت ، ہرچی کہ آئی ۽ راستی ایت ہماڈول پیش کنگ بہ بیت۔
- iv. ہچ ڈولیں جیڑہ ۽ سر ۽ ابید ۽ پٹ ۽ پول ۽ جست ۽ پرس ۽ پیسلہ دیگ مہ بیت۔
- v. پہ جیڑہ ۽ گیشینگ ۽ گیشیں وھد ہم زورگ مہ بیت ، بز انکہ یک کسانیں جیڑہ ہے کہ آسے روچانی میان ۽ گیشن ایت ۽ ہلاس بیت گڑا پرائی ۽ گیشینگ ۽ سے ہپنگ اوں زورگ مہ بیت۔

- .vi. اگاں جیڑہ پہ وھد گیشینگ مہ بنت ء و تسر ء گیشیں مُدّت دیگ بہ بنت گڑاھما جیڑہ گیشتر مستریں جیڑہانی تہ ء بدل بوت کن انت۔
- .vii. جیڑہ کسان بہ بیت یا مزن آئی ء درستیں تک ء پھنات گوں هورتی ء چارگ بہ بنت ء آئی ء بُن ء سر بوگی انت کہ کجام بنیات ء اے جیڑہ پیداک بوتگ۔
- .viii. جیڑہانی گیشینگ ء زمہ واری انجیں سنگتاں دیگ بہ بیت کہ آسر پد، سگ ء او پار ء جوزہ داریں سنگت بہ بنت، اے داب ء مردم جیڑہ ء گوش ہم داشت کنت، سر پد ہم بوت کنت ء پیسلہ ہم زرت کنت۔
- .ix. جیڑہانی هلاس کنگ ء هاتر ء اگاں تُرند ء چہ تُرندیں پیسلہ زورگ ء زورت بوت گڑا پیسلہ زورگ بہ بیت، اگاں پیسلہ زورگ مہ بیت ء آئی ء جاہ ء مصلحت پسندی کنگ بہ بیت، ایسی ء آسر پہ گل ء سک ہراب بیت ۔ تُرندیں پیسلہ ء آسر بگندے لہتیں وھد ء واستہ گران بنت بلئے مصلحت پسندی ء ہرابیں سان دانجی انت ء مصلحت پسندی گل ء تہ ء گیشیں جیڑہانی هاتر ء راہ پچ کنت۔
- .x. اے گپ ہم راست انت کہ مردمی ابرم ء بنیات ء گلانی تہ ء جیڑہ پیداک بیت ء مردمی ابرم انجیں شے یے کہ آئی ء بدل بوگ سک گران انت۔ بلئے ہرچ یک نپرے مکام اے سہا بہ کنت کہ منی بے سگی

، دو تل ۽ دو پوستی، ھر س، کست ۽ کینگ، نامدار بوگ ۽ واھشت یادگہ،
چونیں اوں ھر این روتے ھوار چہ منی ابرم ۽ سوب ۽ یک پھانکی
(اجتماعی) بجزے تاوان مہ وارت یا مکام تاوان بہ وارت۔ یا کہ کجام ہم
مردم کہ سر پد بیت من وتی روتے ۽ تہ ۽ کسانیں ہم بدلی یے آورت نہ
کن آں گڑا آدم گل یا چوشیں ھچ چا گردی بجزانی بہر مہ بیت۔

7. گل ۽ وانگ (Organization & Education)

دنیا ۽ ھرچ آشوب یادگہ چا گردی مزین مزین بدلی اتلگ آنت، آھانی تہ ۽
وانگ ۽ زانگ ۽ بنگلی کردے پیلو کنگ۔ یورپ ۽ سیاہ ۽ زمانگ (Dark Age) ۽
چہ در کپگ ۽ دیروی ۽ نیمگ ۽ روگ بہ بیت یا آشوب ۽ فرانس ۽ صنعتکاری ۽
آشوب بہ بنت، اے درستانی پشت ۽ شہزانت ۽ زانکارانی لیکہ (theory) ۽
زانت بوتگ آنت۔ ھرچ ھما چا گردے کیشتر زانکار ۽ شہزانت بوتگ آنت آ
چا گردے گینق دیروی کنگ۔

زیکیں زمانگ ۽ سیاست ۽ تہ ۽ اے گپ گشنگ بوتگ کہ کجام ہم استان دنیا ۽ سرے
راج کنگ لوٹ ایت یا کہ آوت ۽ مہکم کنگ لوٹ ایت گڑا آئی ۽ الم یک پو جی ۽
معاشی تاکتے دارگی انت، بلے مرچی میاں استمانی سیاست ۽ تہ ۽ گوں پو جی ۽
معاشی تاکتے ھوار زانشتی تاکتے ۽ دارگ ہم المی انت۔ گندگ بوگ ۽ انت

کہ مرچی نہیں دنیاءِ استان ہمے جہدء کنگ ء انت کہ پہ وت ء زانشتی تاکت جوڑ بہ کن ایں۔ اے ردء باقاعدہ استانی نیام ء مکابلہ بوگ ء انت۔

گلابی دیمروی ء گیشتریں دارء مدار آھانی زانت (علم) ء سرء انت، کجام گل وتی تہ ء چینکس گیسن زانت دارایت آگل ہمینکس گیسن دیمروی کنت۔ گل ء مکسد ء تچ کنگ، لس مہلوک ء مکسد ء سرء وانینگ ء گل ء ہمہراہ کنگ، لس مہلوک ء سیاسی مراگش دیگ، جہد ء پیچ ء تاباں سرپد بوگ، جیڑہانی گیسن ء گیوار کنگ، دژ من ء سرپد بوگ، دژ من ء زور اکیانی دیم ء اوشنگ ء دگہ بازیں انچیں چست ء ایر است انت کہ آھانی ہاتر ء گل ء یکنشلہ وانگ ء زانگ برجاہ دارگ لوٹ ایت۔

گل ء وانگ ء مراد آئی ء راھشون ء بگرتادر ستیں باسکاں یکنشلہ وانگ ء عمل ء بہر بوگی انت، ہمے ڈول یا ہمینیچو کساس ء کہ آ عملی ایدگہ جہد کنگ ء انت، ہمے کساس ء آھاں وانگی ہم است انت۔ ابیدے وانگ ء مردم مزدورے جوڑ بوت کنت بلتے سیاسی جہد کارے بوت نہ کنت، آئی ء سوب ایش انت کہ سیاست چاگردی جیڑہانی گیسن ء گیوار کنگ ء عمل انت۔ وھدے کہ یک سیاسی جہد کارے نہ وان ایت، آچاگرد ء پیچ ء تاب ء جیڑہاں ہیچ سرپد بوت نہ کنت۔ سیاست سکلیں گرانیں پڑے، ایشی ء چست ء ایر باز انت۔ تئی کش ء گور ء چے بوگ ء انت، دژ من ء تہ ء توکی جاور چون انت، ہمسائیگیں راجانی سیاسی جاور

چون انت، دنیا، مزین مزین تاکتانی پائیدگ چے انت ء آچے لوٹ انت، دنیا
 ء روزگی چست ء ایر چون انت، دنیا مئے زمین ء جہد ء کجام حساب ء چارگ ء
 انت، اے درستیں شے آنی سرپد بوگ ء ہاتر ء وانگ لوٹ ایت، ابید ء وانگ ء
 چوشیں جنجالانی دیم ء اوشتگ نہ بیت۔

گل ء تہ ء وانگ ء زانگ ء ہاتر ء اے گپ ء زانگ اوں بازالمی انت کہ چے وانگی
 انت ء چون وانگی انت:

سیاست ء تہ ء جتا جنائیں لیکہ ء ہیال (تھیوری ء آئیڈیالوجی) ہست انت، ہرچ
 گلے لیکہ ء ہیال چہ دومی گل ء جتا انت۔ ہمے وڑ ہرچ گلے ء پائیدگ، جاور ء
 مکسد چہ دومی گل ء جتا انت۔ ہمے ہاتر ء اے گپ بازالمی انت کہ کجام گل، کجام
 لیکہ ء ہیال (تھیوری ء آئیڈیالوجی) ء گوں سیادی دارایت، چہ درستاں پیش آئی
 ء وانگ ء گیشتریں زور وتی لیکہ ء ہیال (تھیوری ء آئیڈیالوجی) آنی سرء بہ بیت۔
 اے گپ ء مکسد اے نہ انت کہ دنیا، ایدگ لیکہ ء ہیال یا کہ بُنتران
 (موضوع) وانگ مہ بنت، وانگ ہمیںچو گیشتر بیت ہمیںکس جو ان ترانت بلئے
 اے گپ تچچ انت کہ مردم دنیا، درستیں بُنترانانی بنیات ء ہرچیز و نت کت نہ
 کنت۔

بلئے باز وهدء وانگ ء بئتران نہ گیشنگ ء سوب ء سیاسی جہد کار جہد کن انت کہ ما
دنیاء در ستیں لیکہاں بہ وان این، در ستاں وچوناہا و نت نہ کن انت بلئے چہ وتی
جندء لیکہ ء ہیال ء وانگ ء پشت کپ انت۔ سیاسی جہد کار جہد بہ کن انت کہ
گیشنی لیکہ ہاں لیکہ کہ آگوں آہانی سیاسی لیکہ ء نزیکی کن انت
بنیات ء ہمایاں گیشن بہ وان انت۔ یہ درور یک راجدو ستیں گلے ء باسکاں چہ
درستاں پیش راجدو ستی ء آئی ء گوں نزیکیں لیکہ وانگ ء سرپد بوگ لوٹ انت،
بلئے اگاں آچہ راجدو ستی ء گیشن دگہ لیکہ وانگ ء انت گڑا اے وٹیں سیاسی
وانگ ء زانگ با زمان گیشن ایت کہ آہا لیکہ (آئیڈیالوجی) ء بنیات ء سیاست
کنگ ء انت بلئے آئی ء سرء زانشتی دزر نہ دار ایت۔ اے گپ ہم راستے کہ
یک مردے کجام ہم لیکہ (آئیڈیالوجی) بنیات ء سیاست کنگ ء انت آئی ء
ہمبرائی ء آدگہ لیکہاں اول و نت کنت ء آہانی سرء کار ہم کت کنت بلئے آئی ء
اے پرک گیشینگ لوٹ ایت کہ منی اولی کار کجام انت۔ یہ درور یک سیاسی
جہد کارے یک وهدء ء سیاسی جہد کارے ء شارے، سیاسی جہد کارے ء
زبان زانتے، سیاسی جہد کارے ء استادے، سیاسی جہد کارے ء ڈاکٹرے ء دگہ
انجیں بازیں شعبہ ء گوں ہمگر نچ بوت کنت بلئے ایشانی نیام ء اے گیشینگ المی
انت کہ آئی ء اولی شعبہ سیاست انت یا آدگر انت، اگاں اولی شعبہ سیاست
انت گڑا سیاست ء تہ ء آئی ء گیشتر وتی جندء لیکہ یا مر اگش ء بنیات ء وتی لبز انک

وانگ لوٹ ایت۔ اے ہما بنگلی شئے انت کہ سیاسی جہد کارء زانگ لوٹ ایت ء
وتی جندء لیکہ ء سرء شریں زانشتی دزر سے دارگی انت۔

دومی جیڑہ چون وانگی انت؟ سیاست گوں نیم بندگیں وهد دیگ ء وانگ نہ بیت
، بگندے سیاسی جُهد کاراں پہ وانگ ء وتی سر جمیں وهد دیگ کپ ایت۔ نیم
بندگیں وهد ء وانگ ء مراد ایش انت کہ پارگ باں وان آں، دل گش ایت
گڑاوان آں یا کہ یکشلہ نہ وانگ۔۔۔ سیاست ء تہ ء گوں نیم بندگی ء وانگ ء مراد
وت ء ء وتی گل ء زانشتی (علمی) تاوان دیگ انت۔ سیاست ء تہ ء الی انت کہ
سیاسی باسک یکشلہ بہ وان انت، آهان ء چہ ہرچ وڑیں سیاسی چست ء ایراں
سرپد بوگی انت، میاں استمانی سیاست ء ہر وچ بدل بو وکیں جاور سرپد بوگی
انت، لیکہ ء ہیال (تھیوری ء آئیڈیالوجی) آنی تہ ء انگلیں یا آوکیں بدلی سرپد
بوگی انت، دژ من ء مراکش ء شور بندی (حکمت عملی) وانگی انت ء ایشاں ہوار
ہرچ سیاسی الی نیں شئے بیت، اے یکشلہ وانگ لوٹ انت۔ سیاست ء تہ ء ہما
گل مہکم بنت ء دیمروی کن انت کہ آہانی گور ء یکشلہ مہکمیں وانگ ء راہبند ء
لبزانک بیت۔ گل ء مہکم کنگ ء دیمروی دیگ ء ہاتر ء وتی وانگی راہبند ء تہ ء
ترندیں چار ء بیچار (check and balance) پیدا کنگ لوٹ ایت ء
وانگ ء سر ء ہچ وڑیں ہاتر داری (compromise) کنگ مہ بیت۔ ہما سیاسی
باسک کہ نہ وان ایت گڑا باند انت کہ آئی ء سیاسی گل ء باسکی ء ہک مہ بیت یا کما

کم چوش بہ بیت کہ ہما باسک نہ وان ایت آئی ء گل ء تہ ء ہچ وڑیں زمہ واری
دیگ مہ بیت۔ ہمے وڑاگاں یک گلے ء تہ ء آئی ء لیڈر شپ مہ وان ایت گڑا آئی
ء لیڈر شپ ء سر ء شک کنگ بہ بیت، چے ء کہ لیڈر شپ ء سک ء باز وانندگ ء
سر پدیں سیاسی جہد کار بوگ لوٹ ایت، آیکشلہ وانگ ء تہ ء بہ بنت، آسر جمیں
سیاسی چست ء ایراں سر پد بہ بنت، سیاست ء بدل بوؤ کیں ہرچ وڑیں جاوراں
آھاں زانشتی دزر سے بہ بیت، اگاں آھانی تہ ء اے شتے مہ بنت گڑا آسیاسی
جہد کار لیڈر شپ ء قابل نہ بنت، چے ء کہ گل ء سر جمیں باسک ء مہلوک ء زمہ
واری گوں لیڈر شپ ء پیسلہاں بندوک انت ء نہ وانندگ ء چہ سیاسی چست ء
ایراں نہ آزنائیں راھشون ہچہ شریں ء اگل مندیں پیسلہ زرت نہ کن انت۔

8. گل ء اداراتی چست ء ایر (Organization & Organizational Activities)

گل ء تہ ء اداراتی چست ء ایر بزاتکہ گل ء ادارہانی مجلس، وانگ ء زانگی دیوان،
مہلوکی ہیلکاری ء اے دگہ کسان ء مزینیں کار انت۔ ہرچ گل ء وتی زمینی راستی
ء رد ء وتی اداراتی چست ء ایراں گیشین ایت بلتے اے گپ الم انت کہ گل وتی
اداراتی چست ء ایراں باقاعدہ گوں رد ء بند ء سر ء کن انت۔ چہ اداراتی چست

ءایرانی بوگ ءنه بوگ ءچے پیہیں پانسیدگ ءتاوان رست کنت، ایشی ءسرء
جہل ءگپ ءنران کن ایں:

اداراتی چست ءایر چے پیہم گل ء مہکم کن انت:

ھرچ مہمیں گل ء ہاتر ءے گپ المی انت کہ وتی اداراتی چست ءایران
گوں ردء بندے ء بر جاہ بہ دارایت۔ بز انکہ گل ء گور ء باقاعدہ وتی اداراتی
چست ءایرانی بر جاہ دارگ ء وهد ء پاس بہ بیت کہ کجام وهد ء ادارہ ء کجام
مر اگش اڈ دیگی انت۔ اداراتی چست ءایرانی تہ ء گل ء برزی ادارہ کانگریس،
سینٹرل کمیٹی یا کور کمیٹی ء مجلس چہ درستاں گینن اہم انت، گل ء گیشتریں کارانی
دار ء مدار گوں گل ء برزی ادارہ ہانی دیواناں بندوک انت۔ ہمے ہاتر ء ہرچ گل
ء ہاتر ءے گپ المی انت کہ آوتی برزی ادارہ ہانی دیواناں گوں وهد ء پاس اڈ بہ
دنت۔ وهدے برزی ادارہ ہانی دیوان گوں وهد ء پاس ء سرء بنت تاں جہلی
ادارہ وت ہمے رنگ ء روانج زور انت، بلتے چریشی ء ابید برزی ادارہ جہلی ادارہ ء
وتی دیوان ءپہ وهد ء پاس دارگ ء پابند بہ کن انت۔ گل ء برزی ادارہ ء دیوانانی
پہ مدت کنگ ءے اے اوں پانسیدگ است انت کہ چہ اے دیواناں گل ء پالیسی ء
مر اگش وهد ء جاورانی بنیات ء اڈ دیگ بنت ء پیدا جہلی ادارہ گل ء بنجاہی پالیسی ء
پیسلہاں وتی باسک ء مہلوک ءپہ مدت سر کن انت، بز انکہ گل ء مر اگش ء دار ء
مدار گوں برزی ادارہ ء دیوان ء بندوک انت۔

گل ءتہ ءوانگی دیوان ء مہلوکی ہیلکاری ء اوں وتی یک ارزشتے بیت، گل ء برزی ادارہاں پہ الم انت کہ آوہد وھد ء سر ء اے گپ ء چار ء بیچار بہ کن انت کہ وانگی دیوان ء مہلوکی ہیلکاری ء عمل چے کساس ء بر جاہ دارگ بوگ ء انت ء آھانی تہ ء چے تیمیں مٹ ء بدلی ء در کار انت۔

بلئے لہتیں انجیں شے انت کہ آھانی ہیال دارگ الم انت، پہ درور اے زانگی انت کہ گل ء برزی ء جہلی ادارہانی دستوری (constitutional) دیوانانی رد ء بند چون بہ بنت؟ اولی الیش انت کہ المی انت دوئیں ادارہانی دستوری دیوان پہ وھد ء پاس، پہ رد ء بند ء گوں ضرورت ء بنیات ء کنگ بہ بنت۔ بلئے دومی اد ء اے شے سر پد بوگی انت کہ چرے در اھیں دستوری دیواناں سچ دیوان چہ برزی ء جہلی ادارہانی نیمگ ء گیر ضروری بنیات ء اڈمہ بیت، پہ درور: اگاں یک ادارہ ء یک ماھے ء تہ ء یک دیوانے اڈدیگی انت گڑا آ اد ء دو یاسے دیوان اڈدیگ ء جھد ء مہ کنت، ہمے ڈول ہمک روج ء بنیات ء گل ء ادارہانی تہ ء کسان کسانیں جیڑہ دیم ء کابنت، اد ء المی نہ انت کہ گل ء بالائیں ادارہ ہمک روج ء بنیات ء دیوان اڈ بہ دنت، چے ء چریشی ء گل ء برزی ادارہانی دیوانانی ارزشت ہلاس بیت، ہمے پیم ء جہلی ادارہ ہم اے گپ ء پابند بہ بنت کہ چہ ضرورت ء گیشن ادارہانی دیوان اڈدیگ مہ بنت۔

اداراتی چست ء ایر نہ بوگ ء تاوان:

گل ء فعال ء غیر فعال بوگ ء دار ء مدار گوں اداراتی چست ء ایراں بندوک
 انت۔ گوں اداراتی چست ء ایرانی وهد ء پاس نہ بوگ ء گل بازیں جیڑہ ء جنجالانی
 آماج بنت۔ پہ درور بُرزی ادارہانی دیوان پہ وهد ء پاس کنگ مہ بنت گڑا آادارہ
 ء مراکش ء پالیسی جہلی ادارہاں سر نہ بنت ء جہلی ادارہ وتی مہلوک ء باسکاں چچ
 شے دات نہ کن انت، گل ء غیر فعال بوگ ء اے بُنگی سوب بیت۔ چہ ادارہانی
 غیر فعال بوگ ء گل ء لس مہلوک ء نیام ء مزنین دوری یے پیداک بیت، حمے
 دوری ء سوب ء مہلوک ء بیسہ چہ گل ء سر ء ہلاس بیت۔ حمے وڑ گل ء باسک
 مراکش نہ بوگ ء سوب ء سستی ء جان بڑی ء آماج بنت، گل ء آئی ء باسکانی نیام ء
 سیادی نزور بیت، گل ء تہ ء بے سر ء پادیں جیڑہ پیداک بیت، باسک ہرچ وڑیں
 پروپیگنڈا ء آماج بنت، باسک چچ وڑیں ذمہ واری زورگ ء ساڑی نہ بنت ء دگہ
 بازیں حمے وڑیں جیڑہ ء جنجال پیداک بنت۔ گل ء تہ ء اداراتی چست ء ایرانی نہ
 بوگ ء سوب ء آدگہ جیڑہاں ہوار شخصی آمریت ء پیداک بوگ ء گمان گیشن
 بنت، گل ء تہ ء بُرزی ادارہانی دیوان نہ بوگ ء سوب ء آئی ء لیڈر شپ ء روشنت
 (رویہ) ء تہ ء بدلی کیت، آوتی جند ء واہشت ء رد ء پیسلہ زور انت، وهد ء ہمبہرائی ء
 وت ء ادارہ ء جو ابده سر پد نہ بنت، پہ زانت یا کہ پہ نازانتی گل ء اجتماعیت ء تنگ
 (محدود) کن انت، کارانی دیم ء گیر ضروری نیں اڑاند پیداک کن انت ء پدا حمے

رَوِشت گل ءِ جہلی ادارہ بانی باسکاں سر بنت، اے عمل یک گلے ءِ راہنا کا گزی
گلے ءِ بستار ءِ سر کنت کہ آئی ءِ ہچ پیس میں چا گردی پائید گے نہ بیت۔

9. گل ءِ سیاسی اسپیکٹرم (Organization & Political Spectrum)

سیاسی اسپیکٹرم ءِ بزانت سیاسی رَوِشت (رویہ) یا سیاسی بستار (پوزیشن) ءِ پچار
کنگ ءِ آئی ءِ گیشنگ انت۔ سیاسی رَوِشت یا بستار ءِ یک سرے چپ ءِ نیمگ
انت ءِ دومی سر راست ءِ۔ سیاست ءِ تہ ءِ ہمے سیاسی رَوِشت یا بستار ءِ وانگ ءِ
زانگ ءِ سیاسی اسپیکٹرم گش انت۔ سیاسی رَوِشت یا بستار چو اے ڈول انت: یک
نیمگے چپیں باہر (Left Wing) ءِ نیام ءِ اعتدال پسند (Moderate) بیت ءِ
دومی نیمگے ءِ راستیں باہر (Right Wing) بیت انت۔ سیاست ءِ تہ ءِ چپیں
باہر ءِ راستیں باہر ءِ سیاسی رَوِشت ءِ بندات چہ آشوب ءِ فرانس ءِ زمانگ ءِ بیت۔
بادشاہ ءِ چپیں باہر ءِ نندوکیں مردم آشوب ءِ مٹوگر بنت، آلوت کن انت کہ
بادشاہیت سرجم ءِ ہلاں بہ بیت، بادشاہ ءِ راستیں باہر ءِ نندوکیں مردم آشوب
ءِ ہک ءِ نہ بنت، آگش انت کہ ہچ وڑیں بدلی آرگ مہ بیت، استیں راہبند شتر
انت۔

چپیں باہر (Left Wing) ءِ سیاسی رَوِشت (رویہ) ءِ تہ ءِ ریڈیکل یا بدلی ءِ
مٹوکیں دیروی دوستیں سیاسی پگری مردم بنت۔ آچہ استیں راہبند ءِ ہچ وڑیں نہ

بنت، آلوٹ آنت کہ آراہبند سرجم ء مٹ کنگ بہ بیت۔ چپیں باہڑے سیاسی رَوشت ء مٹو گریں گل یا مردم دیروی دوست بنت ء آشوب ء مٹو گر بنت۔

اعتدال پسند (Moderate) ء چپ ء راست ء نیام ء بنت۔ اے نیکیہ سرجمیں بدلی یا آشوب ء ہک ء بنت ء ناچہ استیں راہبند ء وش بنت۔ اے ہرچ و ہدوت ء ہمے جاورانی نیام ء دار آنت۔ اے سیاسی رَوشت (رویہ) گش ایت کہ چپ ء راست دونیں انتہا پسندیں سیاسی رَوشت آنت۔ ہمے ہاتر ء نیام ء راہ گرگ بہ بیت، بزآنکہ نہ آشوب آرگ بہ بیت ء نہ استیں راہبند برجاہ دارگ بہ بیت۔ ایشانی گور ء ہل ایش آنت کہ چپ ء راست ء دونیں باہڑانی انتہا آنی راہ ء دارگ ء ہاتر ء راہبند ء تہ ء اصلاح آرگ بہ بیت، بزآنکہ کسان کسانیں مٹی ء بدلی آرگ بہ بیت، دانکہ آشوب ء لوٹ ہم ہلا س بہ بیت ء استیں راہبند ہم برجاہ دارگ مہ بیت۔

راستیں باہڑ (Right Wing) ء سیاسی رَوشت ء تہ ء قدامت پسند یار جعت پسندیں پگری مٹو کیں گل یا مردم بنت۔ اے چہ استیں راہبند ء وش آنت ء استیں راہبند ء تہ ء ہچ و ٹیں مٹی ء بدلی ء ہک ء نہ آنت ء اگال کجام اول و ہدے ء ایشاں مٹی آرگ ء درکار بوت گڑا آنچیں بدلی یے آرگ ء جہد ء کن آنت کہ آئی ء سیادی گوں ہمے رَوشت (رجعت پسند رویہ) ء گوست ء بندوک بہ بیت، بزآنکہ ہماراہبند کہ گوست ء بوٹگ، اے ہماراہبند ء دو بر آرگ لوٹ آنت۔

سیاسی اسپیکٹرم ۽ گونڈی پڄارے ۽ پڊاے گپ ۽ گیشن این که گل ۽ پ ۽ سیاسی اسپیکٹرم ۽ گیشننگ پر چه الم انت:

دنیا ۽ ۽ هرچ وڑیں سیاسی گل وتی لیکه ۽ بنیات ۽ یک سیاسی روتے الم دار انت۔ اے گپ ۽ هالیکه گیشن ایت که گل ۽ سیاسی روتے چیں باهر ۽ نیمگ ۽ یا که راستیں باهر ۽ نیمگ ۽ انت۔

سیاسی گل کجام هم سیاسی روتے ۽ واهند به بیت، آئی ۽ وتی روتے ۽ سر ۽ تچک بوگی انت۔ گل ۽ در ستیں ادارهاں هو ار هرچ باسکه گل ۽ روتے ۽ بارو ۽ شرین زانت ۽ زانت به دارایت، آبزانت که گل ۽ روتے ۽ دفاع چون کنگی انت۔ اگاں یک گلے وتی روتے ۽ تچک مه کنت ۽ مه گیشن ایت آگل بازیں جیڑهانی آماج بیت۔ اولی ۽ مسترین جیڑه الیش بیت که یکیں گل ۽ باسک ۽ اداره چه کیے دومی ۽ جتاکیں سیاسی روتے (رویہ) دار انت۔ په درور یک آشوبی گلے آئی ۽ روتے چیں باهر ۽ ریڈیکل روتے بیت بلے وهدے گل همے روتے ۽ جند ۽ تچک مه کنت ۽ مه گیشن ایت گڑا همے یکیں گل ۽ ۽ ۽ برزی اداره سرجم ۽ بدلی ۽ منوگر بنت ۽ جهلی اداره کسان کسان بدلی ۽ منوگر بنت یا، لهتیں باسک آشوب ۽ منوگر بنت ۽ لهتیں باسک اصلاح پسندی ۽ منوگر بنت یا گل ۽ قول ۽ عمل ۽ ۽ ۽ باز ۽ منوگر بنت ۽ ۽ کیت، آئی ۽ ۽ گل برے برے انچیں پسله هم

زورایت کہ راستی آ پیسلہ ریڈ کلائزیشن ء چپ ء بنت ء ہمے پیسلہانی
بنیات ء سر جمیں گل ء سر ء ناوشیں سان کپ انت۔

ہمے ہاتر ء اے کپ الم انت کہ ہرچ سیاسی گل وتی سیاسی روثت ء سر ء سر جم
تچک بہ بیت، وتی در ستیں ادارہ ء بگر تا باسکاں وتی سیاسی روثت ء سر ء بہ
گیشنیں ایت ء شریں ہیلاکاری بہ کت۔

آسر

سیاسی گل ء لیکہ وتی تہ ء پراء شاہگان انت، گل ء جتا جتا میں تک ء پھناتانی سر ء
کپ کت۔ اے کتابک (Booklet) ء تہ ء تہنا ہما المی میں سر ہال کچین کنگ
بو تک انت، اے کتابک ء مول ء مراد بلوچ سیاسی چاگرد ء تہ ء سیاسی گل ء لیکہ ء
سر ء وانگی چاگرد ء ء اڈ دیگ انت۔ ماہمے سر پد بہ این کہ "گل" سائنسی
ساچشت انت ء آئی ء بنیات گوں سنج، اگل ء زانت ء بندوک انت۔ گل ء بنداتی
ھیال ء پد آئی ء تہ ء ھمینکس بدلی اتنگ اے در ستیں دیروی آئی بنیات گوں
ہمے اگل ء زانت ء انت۔ مروچی مئے سیاسی چاگرد ء اے کپ ء باز ضرورت
است کہ سیاسی گل ء سر ء لیکھی بنیات ء کپ ء نران کنگ بہ بیت، آہانی دُر ستیں
تک ء پھنات گوں لیکھی بنیات ء چارگ ء گیشننگ بہ بنت۔

”آزات“ کتابک (کتابچہ) بلوچ اسٹوڈنٹس آرگنائزیشن آزاد ۽ ٺمگ ۽ بلوچ نودر برانی آشوبی هیلکاری ۽ بهرے۔ ”آزات“ جتائیں وهداں، جتائیں سرهالانی سرء چاپ ۽ ٺنگ کنگ بیت۔ اے کتابک ۽ مول ۽ مراد بلوچ نودر برانی میان ۽ آشوبی سرهالانی سرء گپ ۽ ٺران (ڈسکشن) بندات کنگ انت۔

سیاسی گل ۽ لیکه وتی ته ۽ پراء شاهگان انت، گل ۽ جتائیں تک ۽ پهناتانی سرء گپ کنت۔ اے کتابک (Booklet) ۽ ته ۽ هتھنا هالمی نیں سرهال کچین کنگ بوتگ انت، اے کتابک ۽ مول ۽ مراد بلوچ سیاسی چاگرد ۽ ته ۽ سیاسی گل ۽ لیکه ۽ سرء وانگی چاگرد ۽ اڈدیگ انت۔ ماھے سرپد به ایں که ”گل“ سانسسی ساچشت انت ۽ آئی ۽ بنیات گوں سنج، اگل ۽ زانت ۽ بندوک انت۔ گل ۽ بنداتی هیال ۽ پد آئی ۽ ته ۽ همینکس بدلی اتلگ اے درستیں دیروی آنی بنیات گوں هے اگل ۽ زانت ۽ انت۔ مروچی مے سیاسی چاگرد ۽ اے گپ ۽ باز ضرورت است که سیاسی گل ۽ سرء لیکهی بنیات ۽ گپ ۽ ٺران کنگ به بیت، آهانی دُرستیں تک ۽ پهنات گوں لیکهی بنیات ۽ چارگ ۽ گیشینگ به بنت۔